

15 Augustus 2013

Jaargang 6 – Uitgawe 26

In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Op pad na die 70ste AKV

Presies 160 jaar gelede, op 8 Augustus 1853, het die 1ste Algemene Kerkvergadering noord van die Vaalrivier te Rustenburg sitting geneem.

Dit was uitdagende tye – pioniersomstandighede het aanleiding gegee tot armoede, konflik en broedertwis. Die belangrikste punt op die agenda van die eerste vergadering was die verhouding tussen die Kaapse en Transvaalse gemeentes. By die vergadering is besluit dat die gemeentes noord van die Vaalrivier selfstandig sou voortbestaan. Dit het beslag gegee aan die Nederduitse Hervormde Kerk van Afrika.

Die afgelope 160 jaar is die AKV telkens met moeilike sake gekonfronteer: Daar was die afskeiding van die Gereformeerde Kerke in 1859 onder leiding van ds D Postma; die kerkskeuring onder leiding van ds FL Cachet in 1866; die mislukte kerkvereniging van 1885 onder leiding van ds HS Bosman; die Tweede Vryheidsoorlog met al die problematiek rondom bittereinders, hensoppers en joiners; daar was die rebellie van 1914; die Groot Depressie van 1933 en die arm blankes wat verstedelik het en in Blikkiesdorp gewoon het; die Wêreldoorloë en – les bes – die botsende nasionale strewe van wit en swart en die opkoms van apartheid.

En nou staan ons by die 70ste Algemene Kerkvergadering in 160 jaar. Ons het pas weer 'n kerkskeuring ervaar met die stigting van die Geloofsbond van Hervormde Gemeentes. 13 gemeentes het hulle losgemaak van die Hervormde Kerk. Soos met elke vorige kerkskeuring, word die Hervormde Kerk beskuldig van leervryheid. In die geval van die Gereformeerdes was dit oor die teologiese dwaling in die Gesange wat ons sing; Cachet het wyd en syd gereis en almal wat wou luister, vertel dat die naam 'Hervormd' teologiese liberalisme impliseer; Bosman het vir Goddefroy beskuldig dat hy nie die belydenisskrifte eerbiedig nie – waarop hy geantwoord het dat dit nie 'n leerkwessie is nie, maar 'n lewenskweesie.

Die komende Algemene Kerkvergadering staan in die teken van 'n kerklike afskeiding wat voorgee dat dit net om leerkwessies gaan, maar duidelik ook 'n ideologiese basis het. Dit daag die komende AKV uit om duidelike antwoorde te gee op moeilike vrae oor die Kerk se identiteit en relevansie vir die toekoms.

Sulke gebeure is altyd traumaties en pynlik. Tegelykertyd leer die geskiedenis ons dat pyn nuwe energie, nuwe toewyding en 'n nuwe toekomsvisie skep. Die Kerk, met krag van Bo, sal die huidige krisis verwerk en sterker staan as in die verlede.

Ek is van oortuiging dat die komende Algemene Kerkvergadering vir die Hervormde Kerk 'n waterskeidingsgeleentheid gaan wees. Ons weet nie wat die uitkoms van die vergadering gaan wees nie. Hopelik kan ons ná hierdie vergadering weer rustig en met toewyding met ons kerkwerk voortgaan. Dit sal gebeur, indien eerlike teologiese nadenke en wedersydse respek seëvier.

In die kerk is daar nie ruimte vir ekstremisme nie. Daar is wel ruimte vir 'n diep en innige geloof dat Jesus Christus die enigste Here is, dat Hy sy kerk stuur om die evangelie aan alle mense te verkondig en dat ons, as Hervormde Kerk, gehoorsaam wil wees aan die opdrag van die Here.

Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html
Indien u nie weer die e-Hervormer wil ontvang nie, stuur 'n e-pos na karen@nhk.co.za

Dr Wim Dreyer



PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.



Mev Mieke Papp

- **Ds Peet Swanepoel** van Gemeente Derdepoort **se vrou, Christa**, was op Maandag 12 Augustus **saam met hul dogter** in 'n motorongeluk betrokke. Alhoewel sy baie seer gekry het en in die Kloof-hospitaal opgeneem is, gaan dit onder omstandighede goed. Die dogter is ongedeerd. Ons wens mev Swanepoel 'n spoedige en algehele herstel toe.
- Op Sondag 11 Augustus het **mev Mieke Papp**, vrou van prof (hc) Kálmán Papp, haar 85ste verjaardag gevier. Haar jongste dogter, en seun, dr Kálmán Papp en sy vrou Leoné, was by die verjaardagviering by die versorgingsoord waar prof en mev Papp tans woon en versorg word. Dit gaan nog goed met mev Papp. Sy woon in haar eie woonstel en besoek haar man wat in die versorgingsafdeling lê, getrou elke dag. Sy kom gemaklik oor die weg met haar *shoprider* karretjie. Mev Papp word goeie en gesonde jare toegebid. Mag sy ook krag en genade ontvang om haar man in hierdie tyd by te staan. Prof Papp is baie verswak; hy praat met moeite maar ken steeds sy eie mense. Die Kerk se voorbidding word vir hom en sy naasbestandes gevra.

- **AKSIEGROEP VIR BEJAARDES.** Is jou gemeente op die hoogte van die veranderende behoeftes en nood van die ouer lidmate? Indien wel, watter aksie of plan het die gemeente in plek om daardie lidmate daadwerklik in hul eie woonplekke by te staan en hulle sodanig (fisies, finansieel, sosiaal en geestelik) te ondersteun dat hulle, ten spyte van hul ouderdom, 'n lewe vol vreugde en kwaliteit kan hê? Vir meer inligting, kontak die **ADV se Werkgroep vir Bejaardes (die AGB)** by 082 786 8448.

- Ds Willem Slabbert het laat weet dat **Gemeente Grootvlei** dringend 'n orrel, 'n Nagmaalservies en 'n kateder benodig. Kontak ds Slabbert asseblief by 082 296 4150 indien u kan help.

- **MEDIASONDAG: Al die gemeentes** van ons Kerk word met die ondersteuning van die Kommissie van die AKV versoek om op **Sondag 25 Augustus** aandag te gee aan ons **kerklike kommunikasie en publikasies**. Die geleentheid val vanjaar saam met die herdenking van Bartolomeusnag, en kan gebruik word om na te dink oor die maniere waarop ons ons geloof in die gemeenskap betuig. SENTIK wil gemeentes versoek om by hierdie geleentheid besondere moeite te doen om die kerklike tydskrifte aan die gemeentelede bekend te stel, en dan veral die gereelde gedrukte publikasies: *Die Hervormer*, *Konteks*, die *Almanak* en *Bybelse Dagboek*. Doen asseblief moeite om lidmate aan te moedig om op die tydskrifte in te teken, en gee die gemeente se intekensyfers voor die einde van Oktober deur aan mev Van Zyl by sentik@nhk.co.za, 012 322 8885 x291 of faks 086 633 4054. Ons het die syfers teen daardie tyd nodig om ooreenkomste met drukkers aan te gaan vir die druk en verspreiding van volgende jaar se tydskrifte. (Die 2014-pryse sal binne dae aan gemeentes beskikbaar gestel word.)

- **ADV SE JAAR VIR GESTREMDHEID. Respekteer en akkommodeer.** Respekteer die besluite wat geneem word deur 'n persoon met 'n gestremdheid. Sommige blinde mense verkies byvoorbeeld om 'n gidshond te gebruik terwyl ander weer 'n kerie of geen hulpmiddel verkies. Respekteer die besluit. Gemeentes word aangemoedig om gedurende September 'n **Sondag af te staan om aan Persone met Gestremdheid** te dink. 1 September se deurkollekte is reeds vir Diakonale Kinderversorging en die *Beeld*-Kinderfonds toegewys.

Bydraes vir maandelike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na produksie@nhk.co.za gestuur word.

Aksiegroep Gestremdheid



- **LOSLITDAG 6 SEPTEMBER.** Talle gemeentes, lidmate, besighede, ensovoorts, koop jaarliks hul Loslitdagplakkers ten gunste van gestremde. Die Kerk is betrokke by Loslitdag deur **TOIBO** (Transoranje Instituut vir Buitengewone Onderwys). As jy jou plakkers deur TOIBO bestel, kry TOIBO R4 daarvan en die Nasionale Raad vir Gestremde Persone die ander R6. Daaruit kry TOIBO dikwels ook weer 'n bedrag geld. Om te bestel, kontak Arina Jooste by toibo@nhk.co.za of 012 320 7644. Sonet Esterhuizen kan ook gekontak word by die ADV-kantoor, 012 322 8885 x221.

Spesiale eredienste en feesnaweke

- **Gemeente Vereeniging: Eeufeesviering 24 tot 25 Augustus**
Saterdag 24ste: Gesellige bring-en-braai op kerkerrein
Sondag 25ste: Erediens met Albertonse Mannekoor om 09:00
Program en gesamentlike middagete
Gelukwensings kan gestuur word na pbboshoff@telkomsa.net
- **Gemeente Newcastle: Feesweek**
Sondag 25 Augustus tot Sondag 1 September
Countryfees
Sondag 25ste om 09:00: Voorbiddingsdiens met ds Hennie Louw
11:00: Gospelvertoning met Pierre Vigoureux en Erich Posthumus
Maandag 26ste om 18:00: Volkspele-aand
Donderdag 29ste om 18:00: Koekversierkompetisie
Vrydag 30ste 14:00-19:00 en *Saterdag 31ste* 08:00-13:00: Countrybasaar
Saterdag 31ste 09:00-12:00: Plaaskombuis-ontbyt
10:00: Sterkmankompetisie
18:00: Countrydans met Back 2 Front
Sondag 1ste om 09:00: Dankseggingsdiens met ds Hennie Louw
Navrae aan ds Hennie Louw by 084 508 7849
- **Gemeente Ottosdal: Amazing Race: 30-31 Augustus**
75 geseënde jare
Vrydag 30ste: Kampvuur-kuieraand by Ottosdal-skougronde
Lapas, braaivleis met pap en sous, poeding...
Saterdag 31ste: Stap-wedloop, basaar en stalletjies
Van vroeg tot laat
Kontak ds Adriaan Benadie by 082 763 2728 of ottosdal@nhk.co.za
- **Gemeente Otjiwarongo: 75-jaar-viering: 6-8 September**
Vrydag 6de: Optrede deur opkomende musiekster Lisa Bröner
Saterdag 7de: Feesgeleentheid
Stalletjies, gesinsvermaak, potjiekoskompetisie en jaarlikse naggholf
Sondag 8ste: Hoeksteenonthulling en erediens
gelei deur ds Barrie Oberholzer
Vir verdere inligting, inskrywings of borge kontak ds Elritia le Roux
+264 876 3664 of e-pos propeleroux@gmail.com
- **Gemeente Sannieshof: Feesnaweke: 6-8 September**
Vrydag 6de en Saterdag 7de: Mielle Makietie 2013 met Adam Tas
(*Sien Basaars en markte, bladsy 9, vir meer inligting hieroor*)
Sondag 8ste: Uitreik met Geloof-in-aksie Motorfietsklub
Ds CJ van Wyk van Randburg lei die erediens
Navrae aan ds Paul Kern by 082 494 5347
of stuur 'n e-pos aan Elsa by elsaj@lantic.net
- **Gemeente Witfontein: 50-jaar-feesvieringe: 14-15 September**
Saterdag 14de: Almal trek tematies aan soos in 1963
50 potjies prut stadig gaar
Armand Thunder Merwe, The Singing Cowboy, tree op om 16:30



Sondag 15de: Dankdiens om 09:00

Saalkompleks se hoeksteenonthulling (na 13 jaar kontant voltooi!)

Watter jaar vir Witfontein – 50 jaar oud, 10de Delwersfees

en saalkompleks is voltooi!

Navrae aan Jimmy by 083 254 4771 of Janine by 083 260 0983

- **Gemeente Wonderboompoort: 60-jaar-viering: *Sixties* 25, 26 en 27 Oktober**
Op kerkterrein in Eloffsdal, Pretoria
Stuur groetewense, staaltjies, herinneringe en foto's vir gedenkblad
Baardgroeikompetisie vir die manne
Modeparade met toeka se klere vir die dames
Kontak skriba Sieg Schwarzer by 012 335 4181 vir meer inligting
Gedenkbladbydraes aan ds Carel-Johann de Bruin by cjdb@telkomsa.net
- **Gemeente Goede Hoop (Piet Plessis): 100 jaar Feesnaweek 29 November tot 1 Desember**
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met doop Sondag
Gedenkalbum teen R440 plus posgeld
Kontak Dolla Coetzee by dollacoetzee@telkomsa.net
of 073 170 5325 om te bestel
Navrae aan ds Arno Nieuwhof by 073 240 6030
of arnonieuwhof@gmail.com of op sy Facebook-blad

Predikanteverjaardae

- **Die volgende predikante verjaar tot 23 Augustus, en word hartlik geluk gewens.**
 - Donderdag 15 Augustus: Ds Rita de Kock (Villiers)
 - Saterdag 17 Augustus: Ds Douw Steyn (emeritus)
 - Sondag 18 Augustus: Dr Gafie van Wyk (Kaapstad)
 - Maandag 19 Augustus: Di Berend Greyling (Grootfontein/Tsumeb), Hennie la Grange (buiteland), John Putter (Drie Riviere), Tharina Steenkamp (beroepafwagting) en dr Christo Viljoen (emeritus)
 - Dinsdag 20 Augustus: Ds Marike van der Merwe (beroepafwagting)
 - Woensdag 21 Augustus: Ds Werner Mans (Duncanville)
 - Donderdag 22 Augustus: Ds William Harmse (Alberton-Wes)

Beplande vergaderings

- Donderdag 15 Augustus: ADV-redaksie
Direksie van die Monumenttehuise
- Vrydag 16 Augustus: Kommissie van die AKV
- Dinsdag 20 Augustus: ADV-kommunikasie
- Vrydag 23 Augustus: Raad van Finansies
Finkom van die OSR

Kursusse en toerusting

- **Eendagseminaar: Saam op weg Vrydag 6 September 08:00-16:00**
Gemeente Pretoria-Oos, Delyweg
Uitdagings vir kerkwees vir Afrikaanse kerke in Suid-Afrika
Meer inligting by www.nhka.org → Nuus en gebeure → Kortnuus
Bevestig teenwoordigheid **voor 28 Augustus** by Jaco Beyers
jaco.beyers@up.ac.za / 083 417 5803

Gesins- en Egskeidingsmediasie

Het jy Passie om mense te help?
Oorweeg 'n beroep in Familiemediasie!

Bekwaam jouself as mediator!
Wat van 'n 2de beroep?

Institute of Family Mediators (IFM)

IFM se kursusse is deur NABFAM geakkrediteer:

- Basic Mediation Course
- Law for Mediators
- Psychology for Mediators

Dit sal jou in staat stel om aansoek te doen vir akkreditasiasie en as mediator op te tree.

Mediasie ingevolge die Kinderwet 38 van 2005

Vir inligting en kursusdatums kontak:

Rudi Rust 074 550 3000
 registration@ifmediators.co.za
 www.ifmediators.co.za

- **Dr Hennie van Deventer** berig soos volg oor die Sentrum vir Kontekstuele Bediening (UP) se **opleiding in brugbediening** wat van 5-8 Augustus aangebied is en van 7-10 Oktober voortgesit word: “Die tydperk wat ’n gemeente vir watter rede ook al vakant is, is die geleentheid vir die gemeente om sy identiteit te herontdek (wie is ons in Christus en waarheen is ons op pad?) en om vir ’n nuwe tydperk in die geskiedenis van die gemeente voor te berei. Tydens die kursus word predikante intensief opgelei sodat hulle in staat kan wees om die gemeente in hierdie interimtyd te ondersteun en te begelei. Uit die kursusmateriaal en aanbieding is dit duidelik dat kennis en ervaring van die bekende en normale bediening nie voldoende is of ooit kan wees nie. Dit vereis toegespitste kennis en tegniek (vaardighede) om hierdie gespesialiseerde bediening te behartig. Die hele gemeente moet deur ’n proses begelei word wat uit verskillende fases bestaan en deurgaans tot verdere opbou van die gemeente moet strek. Onkunde oor hierdie proses kan slegs tot skade en stagnasie vir die gemeente wees. Die inhoud van die kursus is so gestruktureer dat dit vir elke bedieningsveld van groot waarde kan wees. Erediens, prediking, pastoraat, barmhartigheidsdiens (diakonia), gemeenskap (koinonia), lering of onderrig (didache) en selfs administrasie is alles deel van die groter geheel van ’n verantwoordelike bediening wat voortdurend vanuit Skriftuurlike en teologiese beginsels met mekaar geïntegreer en gekoördineer moet word. Ek beleef die kursus as ’n uiters goeie leergeleentheid en geloofsversterkend, en ek is daarvan oortuig dat naas predikante wat vir brugbediening in aanmerking wil kom, alle predikante wat tans in die bediening staan hierdie kursus behoort by te woon.” **Hou gerus die kerklike media dop vir die kursusdatums van 2014!**

Beskikbare behuising

- **Gemeente Philadelphia** het **akkommodasie** beskikbaar vir ’n **student**. Dit bestaan uit ’n privaatkamer met gemeenskaplike abluisie en kombuis. Dit is binne stapafstand van die Universiteit en daar is veilige parkeering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op woensdae, of dr Sanrie de Beer by 083 226 1866, of stuur ’n e-pos na philadelphia@nhk.co.za.
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Andries-Marié Oosthuizen Monumenttehuis-woonstelle in Parys**
Daar is tans die volgende behuising vir senior burgers beskikbaar:
2 x enkelkamer met 3 etes, wasgoed en skoonmaak van kamer 1 x per week
1 x lieflike enkelkamer met eie kombuis, stoep en tuin,
met 3 etes, wasgoed en skoonmaak van kamer 1 x per week
R5 800 per maand
Kontak matrone Botha by 056 811 2185 vir meer besonderhede

2013

COURT CLASSIQUE
SUITE HOTEL - PRETORIA

www.courtclassique.co.za

ALGEMENE KERKVERGADERING

Sondag 22 September – Saterdag 28 September 2013
AULA | UNIVERSITEIT VAN PRETORIA

Spesiale tariewe beskikbaar by die vier-ster Court Classique Suite Hotel, Pretoria op 'n BED & ONTBYT BASIS TEEN SLEGS
R670 per enkelkamer, per nag
 Meld asseblief die kongres se naam tydens u bespreking om die afslag te ontvang

Gratis vervoer na die AULA* | Gratis internettoegang
 Naby aan Gautrain Hatfield | 58 Suites met ingeboude 'kitchenette'
 Orange Restaurant op perseel | Swembad op perseel
 *Terme & voorwaardes geld.

/CourtClassique
/CourtClassique
/CourtClassique.co.za

GAUTRAIN TRAVELLERS : Hatfield & Pretoria stations 5min away | Book a transfer or use the Park Street bus stop to reach us.
 reservations@courtclassique.co.za | T: 012 344 4420 | 743 Francis Baard Street, Arcadia

Konserte en feeste

- **Sondag 1 September om 18:30: Gemeente Pretoria-Oos Orrelkonsert met prof Wim Viljoen**
 In kerkgebou hv Dely- en Matroosbergweg
 Toegang GRATIS
 Die gemeente se orrel word 40 jaar oud!
 Verversings in die saal na die konsert
 Navrae aan Pieter van den Berg by 072 041 3954 / pieter@allensa.co.za
- **Saterdag 21 September om 09:00: Gemeente Hartebeeshoek Nataniël**
 La Louise Venue. Willem Cruywagenstraat 155
 Hestepark, Akasia
 Koste: R170
 Koffie, tee en verversings na vertoning
 Kontak Lizette Goosen by 082 539 1456
 of Mariana de Villiers by 072 128 2692
- **Saterdag 5 Oktober om 14:30: Gemeente Turffontein in Johannesburg Damestee: Vrouedag met Sonja Herholdt**
 NG Kerkzaal, Dalehamstraat, Mondeor, Johannesburg
 R100 per persoon
 Skakel mev Pikkie van der Westhuizen by 083 320 8262
 of Nellie Stipek by 083 449 6155 vir besprekings en besonderhede
 Verversings sal bedien word

Kampe en toere

- **Toer saam na Israel en Egipte: 28 November tot 7 Desember 2013**
 Beleef God in die voetspore van Jesus
 Toerleiers: Ds Fanie Beukes en dr Francois Carr
 Vir meer inligting, kontak ds Beukes by 073 167 1183
 of per e-pos by faniebeukes@yahoo.com
- **Konteks-leserstoer na Turkye: 1 tot 17 Mei 2014**
 15 dae op die voetspore van Paulus, Johannes en die eerste Christene
 Toerleier: Prof Ernest van Eck
 Plek vir slegs 30 – bespreek betyds!
 Kontak prof Van Eck by 012 420 3804 / 082 413 2332 /
ernest.vaneck@up.ac.za
 of Louise Geyser (reisagent) by 012 361 0579 / 082 560 4279 /
louise.geyser@absamail.co.za



Sportbyeenkomste

- **Saterdag 24 Augustus: Gemeente Sionspoort: EPR Fietswedren**
Twee opsies: 120 of 58 km
Wegspring en einde by Tarlton Renbaan
Skryf aanlyn in by www.cycleevents.co.za
of kontak Johan by 082 464 1547
- **Saterdag 7 September: Gemeente Carletonville: Gholfdag**
Goldfields West Gholfbaan
Skryf in vir 'n 4-bal, of borg putjies, skenk pryse, maak donasies
Borgskap: R1 800 per putjie (sluit 'n 4-bal in en kan promosiemateriaal bevat)
Indien slegs 'n putjie geborg word sonder die 4-bal: R1 000
Andersins R200 per speler
Navrae aan Ockie Brits by 082 850 7966 of Hanlie Brits by 084 512 9297

Kompetisies en fondsinsamelings

- **Gemeente Witfield: Boog- en geweerjagkompetisie**
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf
2de prys: Blouwildebees, sebra, rooibok, blesbok plus 4 dae en 3 nagte verblyf
3de prys: Blouwildebees, rooibok, blesbok plus 3 dae en 2 nagte verblyf
Geborg deur Nyalarus-wildplaas tussen Groblersdal en Marble Hall
Plaas se professionele jagter kan gebruik word
Kontak Adri Nel by 084 200 1027
of Chaan Bezuidenhout by 082 853 5895
Sluitingsdatum 31 Augustus, trekking 1 September 2013
- **Gemeente Bergsig: Bybelloop op Saterdag 19 Oktober**
09:00 tot 11:00
By Suiderbergskool In Denyssenlaan, Mountain View
R20 per persoon
Inskrywingsvorm beskikbaar by kerk of op die terrein vanaf 08:00
Donasievorms ook beskikbaar
Kontak ds Freddie Nortjé by 074 308 7332
of oudl Hannes de Wet by 082 424 3560
of Tina van der Schyff by 078 682 7093
- **Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**
Geleentheid om R50 000 in te samel
Pakket van 50 kompetisieboekies met 11 kaartjies in elke boekie
Betaal R5 000 vir pakket van R55 000
50 pryse te wen, in totaal meer as R100 000 werd
Wen plaasdiere, bokke, varke, duiwe en vele meer!
Trekking in Oktober 2013
Kontak Barry of Marthie Pretorius van Hartbeesfontein
by 018 431 0331, faks 086 550 1874 of barrypret@lantic.net
Verdere navrae aan ds Petrus Harmzen by 082 777 4253

Basaars en markte

- **Vrydag 30 en Saterdag 31 Augustus: Gemeente Bethal: Lentefees**
Vrydag 30ste 08:00 tot 14:00
Voorafbestellings word uitgevoer
Aandprogram: Ete en vermaaklikheidsprogram



Deurnag: Worsbroodjies, fliëk, jeugdiens en ander vermaak vir die jeug
Saterdag 31ste: Speletjies, verfbal en ander vir die kinders
Verkope van pannekoek, kerrie-en-rys, hamburgers, sosaties, vleiskoeke
en baie ander tuisgemaakte goedere
Navrae by gemeentelike kantoor 017 647 3093

- **Vrydag 30 en Saterdag 31 Augustus: Gemeente Randburg Sangkompetisie en basaar**
hv Kerk- & Dovestraat, Ruitershof, Randburg
Sangkompetisie-oudisies: 26 en 27 Augustus 15:00-17:00 in kerkgebou
Vrydagaand 30ste: The Voice van Randburg
Semifinaal 18:00-20:30 (kerksaal teen R20 inskrywing)
Saterdag 31ste: Finaal 12:00-14:00
Wenner kry koopbewys van R1 000 (Cresta) en 'n radio-onderhoud
Kosstalletjies, teetuin, lewendige musiek, *Minute to win it*-kompetisie, speletjies...
Navrae aan Elna by 011 787 4983
of ds CJ van Wyk by 082 898 2345
of ds Jaco van Sittert by 083 279 5816
- **Saterdag 31 Augustus: Gemeente Vaalpark: Basaar**
Wildsvleis, kosstalletjies, koektafel, uitstallers...
Uitstallers welkom (R100 per stalletjie)
Hope pret vir die kinders: treintjie, springkasteel en vele meer
Kom geniet 'n heerlike dag saam met ons!
Kontak Esmé gedurende kantoorure by 016 971 1999
of Dorea by 083 225 7391
- **Saterdag 31 Augustus: Ring van Zuurfontein: Ringsbasaar**
Gesamentlike basaar op terrein van Gemeente Zuurfontein
hv Highveld- en Monumentstraat, Kempton Park
Volle opbrengs om Gemeente Primrose finansieel by te staan
Al die normale basaarlinge gaan daar wees – kom kuier gerus saam!
Navrae aan Etienne Fourie by 082 555 1289
- **Saterdag 31 Augustus: Gemeente Ventersdorp Boerebasaar**
Baie vleis te koop!
Kom geniet die pannekoek, vetkoek, kerrie-en-rys, heerlike tuisgebak...
Speletjies en ander vermaak vir die jongspan
Kontak Nico Kock by 083 204 6715
of ds Marius van Vuren by 072 850 4960
- **Saterdag 31 Augustus: Gemeente Mafeking Basaar: Pirates@Mahikeng**
Fokus op die kind
Ollie die Nar met hope vermaak vir die kinders
Reusespringkasteel en *spookhuis*
Skattejag vir die jongspan
Die kinders kan kolwyntjies (*cupcakes*) versier en 'n groot prys wen
Kwalifiseer met donasie van slegs R50 (of veelvoude daarvan)
vir kontantpryse ter waarde van R10 000, R4 000 of R1 500
Kontak Kallie Landsberg (079 893 9031) of dr Annelie Botha (082 650 3494)
- **Saterdag 31 Augustus vanaf 09:00: Gemeente Glencoe Basaar**
By die Moth-saal
Kinderpartytjie, pannekoek, *jaffles*, *Nuut tot antiek*
Vleis, lekkergoedtafel, koeke, teetuin, kunsvlyt en vele meer
Kontak Carlien Grobler by 076 042 7781




- **Vrydag 6 en Saterdag 7 September: Gemeente Sannieshof Mielie Makietie**
Op die terrein van die Hervormde Kerk
Gaskunstenaar Adam Tas
8 m hoë en 100 m lange foefieslaaid
Wen R50 000 kontant of 25 ton mielies in Wen-'n-oes-kompetisie
2de prys: Diamant ter waarde van R20 000 of 5 ton sonneblom
Luister na Graan Suid-Afrika se voorsitter, Jannie de Villiers
Diamant-stormloop vir 'n diamant en talle halfedelgesteentes
Karaoke, visvang, skyfskiet en *Fear Factor*
Skiet met ons selfgebooue aartappelkanon en wen kontant
Strip-jou-moer-kompetisie
(Sondag 8 September ds CJ van Wyk van Randburg
en sy Geloof-in-aksie Motorfietsklub)
Kontak ds Paul Kern by 082 494 5347 of Elsa by elsaj@lantic.net
- **Saterdag 7 September: Gemeente El-Flora in Discovery Karnaval om 10-jaar-bestaan te vier**
Heerlike eetgoed, stalletjies, vermaak vir oud en jonk
Navrae aan Christa Saayman by 082 448 5839
of ds Monja-Lize van Belkum by 082 786 5752
- **Saterdag 7 September: Gemeente Witfontein in Pretoria 10de Delwersfees**
Kerkterrein, hv Stasie- en Deetlefsstraat, Pretoria-Noord
Tradisionele delwersfeesontbyt met kaiings-en-pap
Poedings, koektafels, melkkos, lewerkoekies, teetuin, kerrie-en-rys, pannekoek...
Groente, delwerskombuis, witolifanttafel, speelgoedtafels...
Pretpark vir die kinders, skyfskiet, kettieskiet, blaaspyp...
Outydse foto's kan geneem word
Groot gesoek en gedelf na R50 000 se kontantpryse
Vir die manne 'n bietjie kultuur te proe by die kultuurtafel
Feeswyn en Delwersfeeswyn beskikbaar
Kaartfasiliteite beskikbaar
Delwersfeessertifikate teen R20 elk
Beskikbaar by Paula Vermaak by kerkkantoor 012 546 5678 / 087 830 0686
of Jimmy 083 254 4771 of Janine 083 260 0983
- **Donderdag 12 tot Saterdag 14 September: Gemeente Bergsig Bergsigmark vanaf 10:00, Saterdag vanaf 08:00**
hv Karel Trichardt- & Leonidestraat, Mountain View
Stalletjies te huur @ R200 vir die 3 dae
Teetuin met gebak, sjokoladefontein en malvalekkers op 'n stokkie
Etes schwarmas en pappadoms met vleisgeregte
Saterdag 14de
Demonstrasies van skilderkuns deur mondschilders
Delwersoektog, potjiekoskompetisie, skyfskiet
Groot pryse te wen
Kontak Tina by 078 682 7093
- **Saterdag 26 Oktober: Gemeente Kempton Park-Oos KPO Lekker Kuier Kontreifees**
Uitstallers en kosstalletjies
Gaskunstenaar Die Flooze (Sorina)
Toegang R20 per persoon
Kom geniet 'n heerlike dag
Kontak Anneline by 082 924 7344 of Marius by 072 778 1033

ANDER NUUS

- **Vakature: Assistentverpleegster**
By Andries-Marié Oosthuizen Monumenttehuis in Parys, Vrystaat
Tehuis vir verswakte en selfversorgende bejaardes
Pligte: Algemene versorging van inwoners, bedwas en kliniekdienste soos die neem van bloeddruk
Vereistes: Goeie interpersoonlike en kommunikasievaardighede
Vorige ervaring in veld van verpleging van bejaardes sal sterk aanbeveling wees
Moet geregistreer wees by die Verpleegstersraad
Normale diensvoorwaardes
Stuur CV aan mev A Botha, faks 056 817 7525 of e-pos hf@otmt.org
- **Beeld-Kinderfonds**
 - **Wen 'n Peugeot**
SMS PEUGEOT na 32541 of SMS KINDERS na 32541
R25 per SMS
 - **Super 10 Spinning Marathon**
Saterdag 7 September 07:00 tot 17:00
Centurion Mall
 - **Kerskonsert**
Woensdag 27 November in Pretoria
R110 en R155Navrae aan Adrie van Staden by 011 976 2273 / 073 749 2697
Besook www.beeldkinderfonds.co.za
- **Maandag 14 Oktober 09:00 tot 16:00**
Predikanteseminaar
Tema: *Tussen-Testamentêre Tydperk / Tweede Tempelperiode – stil of nie?*
Noordwes-Universiteit, Potchefstroom-kampus
Kamer 204, Fakulteit Teologie
Aanbieders dr Jacobus de Bruyn en mnr Eugene Coetzer
Alle kerkverbande se leraars word uitgenooi
Dien as verdere opleiding vir predikante
R320 per persoon, sluit middagete en verversings in
Inskrywings teen **Vrydag 20 September** op die laatste
Navrae aan dr Jacobus de Bruyn by 072 606 1661 / jacobus.debruyn@gmx.com

Nuwe publikasie nou beskikbaar by Christelike Lektuurfonds



Bring my die ou-ou tyding, geskryf deur prof Jannie du Preez, handel oor die Here se liefdesverbond met ons. Deur die verbond verbind die Here hom aan ons, skenk Hy sy beloftes, verlos en versorg Hy ons en bou Hy sy koninkryk in die wêreld. R70

☎ 021 873 6964 📠 021 864 3678 ✉ info@clf.co.za
www.clf.co.za

Die Boodskap van die Bybel aan almal deur gratis en bekostigbare leesstof



KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Ds Tanya van Wyk se siening kan ek nie deel nie, nie omdat dit gaan oor *regte* vir vroue nie, maar omdat ons sekulêre wêreld van God vergeet het. Alles wat ons het en is, is genadegawes van God. Voor God kan nie een van ons aanspraak maak op *regte* nie. Saam met al ons voorregte is daar die verantwoordelikheid om dit met die regte gesindheid so uit te leef dat ons mekaar sal liefhê, minstens soos vir onself. Vra eerder vir bedagsaamheid en respek, om mekaar al die geleenthede te gee wat ons graag vir onself wil hê.” (Verkort)

Ds Dirk Stoltz (emeritus)

“Jammer om van ’n nuwe kinkel vanuit die Kerk te verneem. Is dit nie maar die Afrikanermentaliteit wat deurkom nie? As jy jou nie met reëls wil vereenselwig nie, breek jy weg. Jare gelede toe die NG Kerk getransformeer het deur te sê dat enige ras lidmaat kan word, het heelwat lidmate na die NHKA oorgekom. Later het ander, na verdere transformasie, weggebreek en die APK tot stand gebring! Hoeveel van die *Geloofsbondmense* is gebore Hervormers? Terwyl mense hard probeer om die NHKA te verdeel, spring ander kerkgenootskappe soos paddastoelie op, en baie van ons lidmate sluit by hulle aan.” (Verkort)

Danie le Roux, Vaalpark

“Weleerwaarde vriende, hartelijk dank voor toezending van het *Tydskrif vir Hervormde Teologie*. Ik heb het met veel interesse gelezen. En hier in Nederland herkennen wij heel veel wat er geschreven staat in dit nummer van het Tydskrif. Ook wij zijn op zoek naar allerlei mogelijkheden om *Het hoofd boven water te houden*, als Kerk. Heel veel sterkte met al deze moeilijkheden en mogelijkheden.”

Hartelike groeten, ds G Vieth

AGTERBLAD

Boektafel: Tweedehandse teologieboeke

In ooreenstemming met die beleid van die biblioteekversameling van die Hervormde Kerk word duplikate nie in die versameling opgeneem nie. Namate die elektroniese ontsluiting plaasvind en die integrering van veral AIM se boeke vorder, het talle duplikate te voorskyn gekom.

Hierdie boeke word nou ter beskikbaar gestel van belangstellendes en liefhebbers van boeke met teologiese temas. (Let wel: Dit gaan NIE oor vervreemding van boeke wat in die katalogus van die Argief- en Biblioteek opgeneem is nie, maar oor duplikate.) Die boektafels kan bekyk word op die 2de vloer in die Dirk van der Hoffgebou **vanaf 12 Augustus tot 31 Oktober 2013**, vanaf 08:30 tot 16:00 op weekdae. Die boeke is gratis beskikbaar en word nie verkoop nie, maar die Argief sal vrywillige kontantdonasies op prys stel. Reëlins hiervoor kan met die Argiefpersoneel getref word.

Navrae kan aan die argivaris, mnr Nándor Sarkady, gerig word by argief@nhk.co.za of 012 322 8885 x204. Die boeke wat beskikbaar gestel word, is nie gelys nie, maar is op grond van die biblioteekatalogus as duplikate gemerk.

